

Timlin Ó Cearnaigh imithe ó TG4

Ceist 1 Beidh tú ag féachaint ar ball ar thuairisc faoi Thimlin Ó Cearnaigh. Ag obair leis an duine in aice leat ceangal na focail ar chlé leis na focail ar dheis.

- | | |
|-----------------------|--------------------------|
| 1. recognised | (a) sciurdeanna |
| 2. broadcaster | (b) tubaiste |
| 3. pension | (c) ar fud na cruinne |
| 4. trips | (d) buamáil |
| 5. abroad | (e) rath |
| 6. special interest | (f) craoltóir |
| 7. flying visits | (g) aitheanta |
| 8. world-wide | (h) suim faoi leith |
| 9. bombing | (i) pinsean |
| 10. disaster | (j) turais |
| 11. the peace process | (k) thar lear |
| 12. prosperity | (l) an próiseas síochána |

1	2	3	4	5	6	7	8	9	10	11	12
g											

Ceist 2 Anois éist leis an tuairisc cúpla uair agus déan iarracht na píosaí eolais sa dá cholún thíos a cheangal. Pléigh do chuid freagraí leis an duine in aice leat.

1. Tá Timlin ar dhuine de chéad seachtar	a. nuair a bunaíodh é i 1996
2. Bunaíodh Raidió na Gaeltachta	b. a thosaigh Raidió na Gaeltachta
3. Bhí suim faoi leith	c. sa Tuaisceart agus i Meiriceá
4. Thosaigh Timlin le TG4	d. aige i gcúrsaí spóirt
5. Lean sé scéalta	e. sa bhliain 1972

Ceist 3 Féach ar an tuairisc arís agus freagair na ceisteanna seo.

1. Cén fáth a bhfuil Timlin Ó Cearnaigh ag fágáil TG4?
2. Cad iad na scéalta is mó a chlúdaigh sé nuair a bhí sé le RnaG?
3. Cad iad na scéalta is mó a chlúdaigh sé nuair a bhí sé le TG4?

Ceist 4 *'craoltóir'*

Bí ag obair leis an duine in aice leat agus féachaigí ar an tslí bheatha thuas. Roghnaígí an deireadh ceart le cur leis na focail thíos le gairmeacha beatha a chruthú:

-óir

-eoir

craolt-
múint-
láithr-

glant-
léacht-
leictr-

polait-
cuntas-
innealt-

An bhfuil na focail thuas firinscneach nó baininscneach?
An bhfuil brí na bhfocal thuas ar fad ar eolas agaibh

Ceist 5 *'guímid gach rath ar. . .'*

Bain úsáid as an abairt thuas agus na focail thíos le nóta simplí a scríobh ar chárta do dhuine atá ag dul amach ar pinsean:

a chara,
ádh mór
amach anseo
rath agus bláth
go deas obair leat
Bain sult as
am saor

Ceist 6 Pléigh na ceisteanna seo leis an duine in aice leat nó le do ghrúpa:

Cé hé/hí an láithreoir is fearr leat?
Ar mhaith leat féin a bheith ag obair mar láithreoir?
Cad é do bharúil faoi láithreoirí TG4 i gcomparáid le stáisiúin teilifíse eile?

Treoracha agus Freagraí

Ceist 1

1	2	3	4	5	6	7	8	9	10	11	12
<i>g</i>	<i>f</i>	<i>i</i>	<i>j</i>	<i>k</i>	<i>h</i>	<i>a</i>	<i>c</i>	<i>d</i>	<i>b</i>	<i>l</i>	<i>e</i>

Ceist 2

- 1 – b
- 2 – e
- 3 – d
- 4 – a
- 5 – c

Ceist 3

1. Tá sé ag dul amach ar pinsean ó TG4.
2. Chlúdaigh Timlin an nuacht as Tír Chonaill agus nuacht an Tuaiscirt, chomh maith le turais thar lear nuair a bhí sé le RnaG.
3. Chlúdaigh sé an nuacht agus scéalta ó thuaidh chomh maith le sciurdeanna thar lear le scéalta a chlúdach ar fud na cruinne, go háirithe Meiriceá. Ba iad na scéalta is mó ná an bhumáil san Ómaigh agus tubaiste 9/11 i Nua Eabhrac.

Ceist 4

craoltóir	glantóir	polaitoír
múinteoir	léachtóir	cuntasóir
láithreoir	leictreoir	innealtóir

Ceist 5

Tabhair seans do gach beirt cárta simplí a scríobh ag guí rath ar dhuine a bheadh ag fágáil a chuid oibre.

Ceist 6

Is féidir gach beirt a chur ag déanamh an phlé seo agus ansin na ceisteanna a phlé leis an rang iomlán.

Éimear Ní Chonaola

Agus inniu tá duine de chraoltóirí aitheanta na Gaeilge imithe ar pinsean ó TG4. Bhí Timlin Ó Cearnaigh ar dhuine den chéad seachtar a thosaigh le Raidió na Gaeltachta nuair a bunaíodh an tseirbhís sin i 1972. Chlúdaigh Timlin an nuacht as Tír Chonaill agus nuacht an Tuaiscirt, chomh maith le turais thar lear. Bhí suim faoi leith aige i gcúrsaí spóirt mar gur imir sé féin peil ag leibhéal club agus leibhéal contae.

Tháinig Timlin ag obair le TG4 nuair a bunaíodh é i 1996. Arís, chlúdaigh sé an nuacht agus scéalta ó thuaidh chomh maith le sciuirdeanna thar lear le scéalta a chlúdach ar fud na cruinne, go háirithe Meiriceá. Ba é Timlin a chlúdaigh buamáil san Ómaigh, agus ba é a chlúdaigh tubaiste 9/11 i Nua Eabhrac. Lean sé scéal an Tuaiscirt agus Próiseas na Síochána, ag tabhairt tuairiscí anseo don nuacht.

Guímid gach ráth ar Thimlin sna blianta atá amach romhainn.